

### 3 – Hiri dhe dobësitë tona

Sot ndërsa vazhdojmë serinë tonë të përjetimit të hirit të Perëndisë do të trajtojmë pjesën e dytë të përkufizimit të hirit. Ja tek është sërish përkufizimi i plotë:

***Hiri është vepra personale e Perëndisë në jetën tonë  
për të bërë për ne atë që s'mund ta bëjmë dot vetë  
gjë të cilën nuk do ta meritojmë dot kurrë që të bëhet për ne.***

Sot do të fokusohemi tek pjesa e dytë - Perëndia bën për ne atë që s'mund ta bëjmë dot për veten tonë.

A ju kujtohet personazhi i filmit Ernest P. Uorrell? A keni dëgjuar për të? Ai ishte një karakter që gjithmonë binte në vështirësi dhe pastaj dilte prej tyre! Tek filmi '*Ernesti futet në burg*' Ernesti ishte pastrues në bankë dhe me aftësitë e tij nuk mund të shpresonte të ishte më tepër se një pastrues. Por ai kishte ambicie.

Në një skenë të paharrueshme Ernesti me leckën e dyshemesë në dorë, kishte një vështrim largpamës dhe vizionar në sytë e tij. Ai hapi gojën dhe shqiptoi ca fjalë elokumente rreth ëndrrës së tij. "Nuk do jem gjithmonë duke bërë këtë punë. Do të jem në gjendje të mar në duar drejtimin financiar të këtij institucioni. Do jem në gjendje t'i lëviz asetet si një shahist në një fushë shahu financiare. Një ditë menaxherët e korporatave do të dridhen kur t'ju afrohem unë pasi unë do të bëhem nëpunës banke."

Nëpunës banke? Ju kërkoi falje atyre që po na dëgjojnë dhe që mund të jenë nëpunës banke por në film ngritja e zbulesës së ambicies së jetës së tij shkonte përkrah zhgënjimit humoristik ndërsa e dëgjojmë të zbulojë synimin e madh të jetës së tij - për t'u bërë nëpunës banke! Sigurisht që jeta ka më tepër se kaq!

Kur vajza ime që tani është në të njëzetat dhe e martuar, ishte vajzë e vogël dëshironte të shihte raftet në dyqanin e ushqimeve. Shkonim në dyqan dhe njerëzit që bënë kontrollin e mallrave tek banaku për të përgatitur faturën e mahnitnin. Ky ishte një prej synimeve të mëdha të jetës së saj. Ajo e arriti synimin e saj kur ishte 15 vjeç dhe rrëqethja e skanimit të produkteve në dyqan i zgjati për afërsisht tri ditë. Nuk është nevoja ta themi por tani ëndrrat e saj janë shumë më të mëdha.

Cilat janë ëndrrat tuaja? Mos vallë janë sa për një shitës? Sërish, ju kërkoi falje atyre që po na dëgjojnë dhe punojnë si nëpunës banke apo shitës në dyqan por nuk mendoj që dikush që diplomohet nga shkolla e mesme t'i thotë një këshilltari, "Kam një ambicie të madhe për jetën time. Një ditë dua të jem portier banke apo shitës në supermarket." Këto janë pozita të

përkohshme dhe fillestare, janë thjesht mundësi kalimi drejt gjërave të tjera në jetë. Ato mund të jenë punë të ndërmjetme për të na ndihmuar të kalojmë kohët e vështira gjersa të gjejmë një punë më të mirë.

Perëndia dëshiron t'ju hapë sytë për ato gjëra më të mëdha që Ai ka rezervuar për ju si fëmija e Tij. Nëse ju hap sytë dhe ju tregojnë atë që ka pasur vërtet në mendje për ju qysh prej fillimit të krijimit, atë që ende e ka në plan për ju përmes Jezu Krishtit juve mund t'ju bjerë të fikët, t'ia mbathni apo të thoni, "e pabesueshme - nuk është e mundur që kjo të jetë e vërtetë për mua."

E dini çfarë? Mund të keni të drejtë! Ka të ngjarë të mos jetë e mundur që kjo të jetë e vërtetë për ju por këtu hyn në veprim hiri për shkak se ai është përfshirja personale e Perëndisë në jetën tonë *për të bërë për ne atë që s'mund ta bëjmë dot për veten tonë*. Si e dimë që kjo është e vërtetë? E dimë nga gjithë ato histori dhe pjesë të Shkrimit përfshirë këtu edhe një të famshme në letrën e Palit drejtuar Korintasve. Ja se çfarë thotë ai tek 1 Korintasve 15:10.

Por me hirin e Perëndisë jam ai që jam; dhe hiri i tij ndaj meje nuk qe i kotë, madje jam munduar më shumë se gjithë të tjerët, jo unë, por hiri i Perëndisë që është me mua.

Pali thotë, "me hirin e Perëndisë jam ai që jam." Vras mendjen sa kohë iu desh atij të mësonte të thoshte një gjë të tillë. Mbani mend që Pali ishte njeri me arritje të mëdha. Ai kishte një rezymë të mahnitshme. Tek Filipianëve 3 ai thotë, "u rrethpreva të tetën ditë, jam nga kombi i Izraelit, nga fisi i Beniaminit, Hebre nga Hebrenj, dhe sipas ligjit farise, sa për zellin, përndjekës i kishës; për sa i përket drejtësisë, që është në ligj, i pa qortueshëm." Tek Galatasve 1 ai thotë që po përparonte më tepër se bashkëkombësit e tij, e megjithatë kur u takua me Krishtin mësoi që të gjitha këto ishin kotësi dhe që gjëja më e rëndësishme në jetën e tij ishte njohja e Krishtit dhe zbatimi i vullnetit të tij. Pali mësoi që u desh hiri i Perëndisë për ta bërë atë lloj njeriu që duhej të ishte përpara Perëndisë.

Kështu ai mësoi të thoshte, "me hirin e Perëndisë jam ai që jam."

Po ju, a keni mësuar të thoni, "unë jam ai që jam prej hirit të Perëndisë"?

Hiri i Perëndisë e ndryshoi Palin dhe gjithë apostujt e tjerë. Perëndia na i jep si shembuj në Shkrime për atë që hiri mund të bëjë për ne. Në çfarë mënyre mund ta transformojë jetën tuaj hiri i Perëndisë?

Tek vargu 1 Korintasve 15:10 Pali thotë që ai punoi, por megjithatë nuk ishte vërtet ai por hiri i Perëndisë që punonte në të dhe e fuqizonte për të punuar. Po, hiri është *puna e Tij personale për të bërë për ne atë që s'mund ta bëjmë dot për veten tonë*. Pali e mësoi këtë mësim dhe kjo bëri që të lutej kështu tek Efesianëve 3:20-21,

Tani atij që, sipas fuqisë që vepron në ne, mund të bëjë jashtë mase më tepër nga sa kërkojmë ose mendojmë, atij i qoftë lavdia në kishën në Krishtin Jezus për të gjitha brezat, në jetë të jetëve. Amen.

## Hir përmes përlësisë

Në studimin tonë të parë mësuam që hiri vjen tek ne përmes besimit. Sa më tepër që e ushtrojmë besimin tonë në Zotin aq më tepër hiri marrim në jetën tonë. Shkrimi prezanton edhe një mënyrë tjetër për të marrë bollëkun e hirit - përmes përlësisë së vetes. 1 Pjetri 5:5-7 është pjesa klasike për këtë të vërtetë madhështore.

Gjithashtu ju, të rinjtë, nënshtrojeni pleqve. Po, nënshtrojeni të gjithë njeri tjetrit dhe vishuni me përlëje, sepse Perëndia i kundërshton krenarët, por u jep hiri të përlëurve.

Përlëuni, pra, nën dorën e fuqishme të Perëndisë, që ai t'ju lartësojë në kohën e duhur, dhe gjithë merakun tuaj hidheni mbi të, sepse ai merakoset për ju.

Perëndia u jep hiri të përlëurve! Nëse hiri është përfshirja personale e Perëndisë në jetën tonë, atëherë duhet të kërkojmë ta përlëim veten vazhdimisht përpara Tij sepse sa më të përlëur të jemi aq më tepër hiri do të marrim! Pjetri radhit tri mënyra sesi mund ta përlëim veten.

Së pari, ne e përlëim veten përpara autoriteteve në jetën tonë. Në këtë pjesë Pjetri u thotë të rinjve të përlëen para pleqve. Së dyti, e përlëim veten para kolegëve tanë. Pjetri u thotë të gjithëve ta veshin përlësinë si një rrobë në marrëdhëniet me njëri-tjetrin. Së treti, ne e përlëim veten nën dorën e fuqishme të Perëndisë dhe kjo shpesh është fakti që Perëndia përdor rrethanat në jetën tonë. Me fjalë të tjera, pavarësisht kohëve të vështira ne duhet që gjithë shqetësimin tonë ta hedhim tek Ai sepse Ai kujdeset për ne.

Një i krishterë i mençur dikur ka thënë, "Nëse çelësi i jetës së Krishterë është pranimi i hirit të Perëndisë dhe nëse këtë hiri e marrim përmes përlësisë, atëherë çdo ditë do të kërkoj mënyra për ta përlëur veten për shkak se Perëndia u kundërvihet krenarëve por u jep hiri të përlëurve."

E kujtoni "udhëkryqin e besimit" ku zgjedhim të ecim në shtegun e besimit ose të mosbesimit? Në të njëjtën mënyrë ne vijmë çdo ditë në udhëkryqin e përlësisë. Njëri shteg na çon drejt krenarisë. Shtegu tjetër na çon edhe më thellë në përlësi. Sa herë që zgjedhim shtegun e krenarisë heqim dorë prej hirit. Sa herë që zgjedhim shtegun e përlësisë bëjmë që hiri i Perëndisë të shtohet në jetën tonë për shkak se hiri vjen përmes përlësisë.

Ky ishte një mësim i rëndësishëm për Apostullin Pal. Perëndia i dha atij zbulesa të mëdha për gjërat qiellore por bashkë me zbulosat erdhi dhe tundimi i krenarisë. Duke e ditur që Pali nuk do ishte në gjendje ta mposhte krenarinë, Perëndia i dërgoi një gjemb në mish për ta mbajtur të përlëur. Pali iu lut Perëndisë që ta largonte dhe Perëndia i tha, "Jo." Pali iu lut për herë të dytë që Perëndia ta largonte dhe Ai iu përgjigj sërish "Jo." U lut për herë të tretë dhe kësaj here Perëndia i tha,

"Hiri im të mjafton, sepse fuqia ime përsoset në dobësi." 2 Korintasve 12:9

Pali e la këtë të vërtetë të zhytej thellë në zemrën e tij dhe kjo gjë e ndryshoi përgjithmonë. Nga ai moment e më tej Pali i trajtoi vështirësitë e tij kështu:

Prandaj me kënaqësi të madhe do të krenohem më tepër për dobësitë e mia, që fuqia e Krishtit të rrijë tek unë. Prandaj unë kënaqem në dobësi, në fyerje, në nevoja, në përndjekje, në ngushtica për shkak të Krishtit, sepse, kur jam i dobët, atëherë jam i fortë. 2 Korintasve 12:9-10

Duke i pasur këto vargje në mendje bëjini vetes pyetjet e mëposhtme:

1. A po e përul veten time nën dorën e fuqishme të Perëndisë? Kur rrethanat janë të vështira, mos vallë mbushem me ankth dhe luftoj kundër Perëndisë, apo e përul veten nën dorën e Tij të fuqishme duke e hedhur gjithë merakun tim mbi Të duke e ditur që Ai ka fuqinë për ta bërë çdo gjë të bashkëveprojë për mirë në jetën time?
2. A po e përul veten para kolegëve të mi? A po vishem me përulësi duke kërkuar të mirën e njerëzve përreth meje?
3. A po e përul veten time para autoriteteve në jetën time? A po lutem për ta, a po i nderoj, a po kërkoj të mirën e tyre?

Gjon Njutoni autori i himnit më të famshëm që është shkruar ndonjëherë "Ç'hir Madhështor" tha kështu:

"Nuk jam ai që mund të jem, nuk jam ai që duhet të jem, nuk jam ai që dëshiroj të jem, nuk jam ai që shpresoj të jem. Por e falënderoj Perëndinë nuk jam ai që isha dikur, dhe mund të them bashkë me apostullin e madh, "Me anë të hirit të Perëndisë jam ai që jam."

Lëreni hirin e Perëndisë të vijë tek ju përmes besimit dhe përulësisë. Lëreni Perëndinë të bëjë për ju atë që ju nuk mund ta bëni dot për veten tuaj.